

今白華堂詩錄補

今白華堂詩錄補卷七

近體詩

棣華堂與趙伯期斗垣昆季話別

昔歲花開二月春  
高堂置酒送征輪  
今年春發三朝後  
堂上花枝又送人  
鴻印西荒寒隴坂  
驪歌東道黯河津  
依然故我風塵面  
祇是相看白髮新

由雄縣至鄭州作

碑銘故宅邢才子  
香火叢祠扁藥王  
太息公孫銷霸業  
更誰舉眼認金湯

暮至兖州

落日笳聲動荒城古意多儒生閉蓬戶使者聽弦歌星  
奎婁見雲從海岱過菲才叨重鎮愁絕更監河

飲洪石農觀察範署中

纔脫塵羈快盍簪鄭莊驛使遠相尋廿年湖海名交重五  
筆淵源契獨深紅燭高齋書乍就綠眉小史酒頻斟時乞石農  
作書今宵茶話應忘睡領略潭邊月似襟

行部至曲阜奉監修孔廟之命

少皞遺墟在元公封域諳里居皆近聖草木總非凡  
郅

治師傳紹更新廟貌咸小臣味營繕心懷立之監

孔治山上公張宴鐵山園卽席賦贈

廟堂祇謁寸忱輸高會山園日未晡抗禮上公通世洽宣  
風東國士民愉祕藏啟筭欽周冕瓊寶登筵識魯壺憐我  
老蒼頻憶舊曾因朝宿晤 皇都

出門雜詠

休暇無須待十旬終朝簿領早離身衙齋閉置成孤客好  
借行春看踏春

鳴鳩聲裏競攜筐五畝人家綠蔽牆管領心知桑土重蠶  
經一卷問秦郎

綺蔥琅菜出村墟傭給官廚儘有餘

西城市集  
近道署

曉集城闌

清似水囂塵齊市較何如

會聞相國度雙旌三百年來共此情老樹荒煙行馬外寒

沙一帶繞孤城

吾鄉余文敏公有  
經兗州城外詩

泗水橋邊春水多瑶林蘸影碧羅羅有人駐馬疑鄉思話

到蘭亭禊事過

聞隨行二僕相  
語皆紹人也

合將神怪測爰居三筴書成轉自誣試問東門鐘鼓後避

風海鳥更來無

地名息馬樹撐空武帝旌旗在眼中獨上危樓瞻像設恍

遊明代魯王宮

明魯藩夢關壯繆駐馬於此因名其地  
後樓有塑像清臞慈善視他處迥異

二劉今見一劉來

訪劉總  
鎮國慶

果是清時大將才應使古人驚

未有同胞同甲上雲臺

君與其兄榮慶並以武  
狀元愿戎帥累著軍功

不共瑕邱故迹埋幽居想見習心齋知他樂處誰尋得兩

地民爭陋巷皆

經陋巷云是顏子故居與在曲阜者並稱

山谷一銘公署徧紫陽六字縣門稀

淄陽縣署外左右樹兩石碣鐫朱子大書

曰重禮教崇信義

觀風使者先矜式此土官民那得違

子美千年在上頭

南樓

雄才早賦少年遊吟壇楚蜀咸京徧

第一傳名是此樓

東郡閔規訪魯庭肇窠書重沈華亭不知當日因何瑞驅

役霜毫備四靈

胸襟敢道異諸賢卻想緇林一喟然可惜更無童冠至舞

雩臺上晚風天

五里郊迎憲使回

辛雲谷學使

蒼茫暮色上簷帷  
燈窗聊問詩

書業忍爲應官誤課兒

### 工次抱病

病骨難支十日來  
關風伏雨更爲災  
河聲終夜不離枕  
夢乞靈祇護版栽

### 中秋工次示南村太守

捲幔秋陰冪太空  
聞香遙憶小山叢  
昔年今日花相似  
天上人間月不同

在園直時嘗相與坐月賞桂

銀漢奔流應到海  
瓊樓歸去那乘風  
宵分更切宣防慮  
飛檄河干漏已終

### 張夏

夏張遞張夏絡繹短長亭地挾山靈壯雲兼嶽氣青檐帷  
今易值書劍昔頻經曉發臨淄道清光近德星

遇和方伯

荏平

牡邱風土少耕桑自昔流傳挾瑟倡如此鄉閭甘溷迹爭  
教人敬馬賓王

回署

是日立春

宦轍迴旋成鶴井衙齋寂坐認雞窗千聲吉爆睡魔伏半  
夜春寒酒力降

元日

朝班青瑣隔絲蘿賀元正書月尊麟筆瞻天近鳳城官



仍唐御史禮率魯諸生辭 闕逾三載良多眷戀誠

香爇靈祠徧聲傳曉漏清岱雲含瑞旭臘雪漬春英呵殿  
街逾靜賓僚署已盈還看諸父老椒酒慶 昇平

桃汛赴工

浪漲桃花又一年輕裝重理舊鞍韉黃垆青垆程程歷總  
在春風綠柳邊

小園

在曹河  
行館後

小園藏得幾分春蜂蝶採來信未真頻怪風雲多氣色漫  
教花草損精神賓僚座入漁謳晚稚子詩爭鳥語新

恩兒  
隨侍

始學  
拈吟

半日官閒能荷鍤頭銜且欲署山民

望曹南山

獨坐聊傾卯飲卮  
曹南山對捲簾時  
無端蒼蔚朝雲見  
振觸風人季女思

巡糧河暮抵單縣

東去離狐百里程  
巡工按次要分明  
部人應笑吾才拙  
不戴星光不入城

單父臺臨大道邊  
清和化理至今傳  
苦吟卻怪高常侍  
還悵人琴到昔賢

過金鄉

鄉名端合爲山留  
鑿得黃金憶耿侯  
可許此邦還享利  
飛

泉疏勒共千秋

謁孟廟

霸圖開戰國異學競衰周夫子雄辭闢先王聖澤留百年  
孔思接萬古禹功侔瞻拜巖巖貌峩冠失冕旒

夢醒

夢中恍接古威儀夢醒空堂有所思名世若云須分位何  
曾孔孟得逢時

暮從嶧山下歸

嶧山斜月送人歸暮色蒼然下翠微聽得城頭喧魯柝渾  
忘宵露溼征衣

撫署宴集呈笠帆中丞

靈境依稀 駐蹕年 天書猶認射堂聯一卷石縹華不

注萬斛珠分趵突泉

指珍珠泉

德邸衡藩空傳舍碧欄朱樹待

芳筵我曹可是王門客特喜 清時有大賢

中丞屬和吳穀人祭酒投贈二律原韻

安危計畫寸心殫海嶽提封入掌看一疏夜馳三鎮定六  
幢春駐兩河歡人情纖悉胸中鏡治術源流筆底瀾清晏  
綏豐元氣足大儒勲業異蕭韓

宣勞行部十年過不盡詩人豈弟歌南國甘棠隨處有西  
江秋月至今多位崇青嶽心彌下望愜蒼生鬢未皤早晚

今世事堂詩集卷七  
六  
朝廷相司馬煩他古印出煙蘿

承示所得司馬文正公印章

明王文恪公鑒歸里詩卷中丞屬題

颯颯佞口竄梁鴻

時劉華容已謫成

站站狂人歎祖龍齊贅滑稽

堪待進

謂曹元

楚纍方正諒難容未知大憝何時殛賸有斯

文舉世宗回首台垣星散盡茶陵一老漫追蹤

曹縣述懷

蒼茫嶽枕與瀛襟蒙亳山川自古今獨向城東詢禹迹陶

邱大野劇關心

定鉅二邑常不靖

散步西齋喜辛雲谷學使

從益

見過

監河殊厯碌休暇閒曹衙散禽聲聚垣低樹影高巡離

得苦筍佐饌覓香蒿十笏西齋地多君枉節旄

寄寓呂公祠

露壇月館合修真底著應官聽鼓人七十二泉來繞舄似  
憐插腳在紅塵

別河工

重邀宸眷愧今吾循省涓埃報得無百里驚心隄潰蟻  
三年陳迹磨旋驢由來善妒防爭席早覺殊趨望改途應  
是玉成緣燭照安然馳節向洪都

中秋夜舟艤天津答汪明府

本

峩峩大艤抵星津萬柳煙梢壁月新今夜誰教秋思減情

深潭水有汪倫

回程至古北口

塞山一路認孱顏七載前曾幾往還輦道添來軍衛靜使  
車消得宦情閒馬依衰柳晴分埒雁帶新霜曉入關後日  
鑾迴隨豹尾猶存樞直舊同班

進口小駐旅館

秦笳嗚咽逗斜曛酒旆招邀一盞醺飲馬關心城窟水聽  
鴻回首塞山雲店門榆柳煙中畫籬落瓜蔬月底分此去  
中原開 壽域經臺梵唄九衢聞

示委員張祿卿

青袍倦倚井梧寒落拓才人遇合難  
早識張王工樂府仍  
煩屈宋作衙官  
酒壚擊劍霜橫塞  
花榭吹笙月過欄  
往事廿年成一瞬  
何時彈到進賢冠

接芸臺師手書奉答

劇任遄膺奈拮据  
鬢絲秋柳共蕭疏  
尋山有願防留贖  
經世無才想讀書  
龍馬授圖神自暇  
虬蟬撼樹力難餘  
事煩食少

書中云云

貽憂甚合向園林賦遂初

同年宋于庭孝廉

翔鳳

以詩人遊省幕素多投分近

則人事稍殊矣承見枉爲代述今昔之慨

濟南賓御盛當時  
裙屐風流海內知  
老去詞人艱賣賦  
年



來外吏諱稱詩暫開草閣春生席高詠梅花月滿枝應憶  
滄浪亭畔路清宵飛蓋競相追

與學使李鴻臚

振祐

追溯昔時學署遊觀之盛

濟南名士憶傳杯秀澤單椒畫幀開羨殺當時官況好使  
君如爲鵲華來

題白香山詩集

醒黠無如換醉吟誰同閒適一生心多應辨得之無後史  
上淨名感悟深

元夕呂公祠春宴

瑤島春開不夜天彩雲高映畫鞦韆東藩主席風仍古北

海傾罇酒亦賢吉爆頻喧民氣樂華簪齊盍月光園更深  
一道行燈轉壇下還應遇列仙

顏西厂曰蝶園適廬后山觀察坤見過作此奉呈

厂宇西偏拓半弓居然引蝶入花叢淡紅春影畫簾雨新

綠晚香團扇風無館何從設寒具充沂道署西偏爲不設寒具之館以前任斌敬

亭蓄書畫於此余與后山俱未之易也有書聊可待冬烘時門下士甘肅李謙住此鄰園

逐日紛絲管牆西卽鹽運使署其宴罷誰人更欲東

福竹也嵯使珠隆阿招集小滄浪亭以審案不果

雅集能教俗慮刪遙瞻北渚似仙寰湖山憐我獨無分花

柳笑人長不閒俗敝更番勞聖慮任專何策濟時艱冷

泉亭好從誰問祇待蘇公判事還

薩使本  
姓蘇

冶山上公以著草及楷木如意見餉答謝二首

雲氣蔭高冢叢蒼千載新馮生本幽贊至德蘊圓神五尺

準朝士

大夫著五  
尺本說文

百莖誇筮人尊藏須造櫝什襲倣劉因

天下號模楷非樅非柏身疏枝企端木直道見先民憑創  
作如意中鉤奚損真清談持一柄金玉未爲珍

少皞陵

宰樹團成太古陰白雲如海漫平林窮桑西隔龍山遠蒙  
羽東涵鳳水深百世貽謀郊子國萬年封守魯公心祇今  
政令行天上還仰司秋德在金

陪祀 祈穀壇

太室 親祈始 天行轉六飛  
星缸迎雉扇 月鏡晃龍  
衣芝檢欽新授 桐生切遠祈  
翹瞻穹宇峻 高燎靄晨霏

鮑樹堂前輩

勳茂

約散署後同遊城南

西臺雲樹鬱層霄 大麓崇階俯綺寮  
晨飈進封朱閣 領午衙退食素絲招  
九重喉舌司維慎 十載樞機擢並超  
樹堂亦早 且幸四方幽隱達 散仙無礙日逍遙

歷樞

陪祀 朝日壇

東郊氣色轉春陽 舊典王宮舉太常  
灌梓翔梧交紫陌 金鋪玉璫奠青方  
待升瑞旭千門啟 纔識崇壇四陛張  
總爲

至明能普照羣心葵向肅冠裳

陪祀 社稷壇

右璫珍木藹芳春嘉薦馨香廣樂陳六府民生資土穀萬  
年國祚繫威神從班忝預王公末翊運還期社稷臣歸到  
宣南舒曉望紫微城畔瑞煙新

二月八日奏事

銀臺齋宿夜具疏論南州敢避含沙射難忘厝火憂三江  
鴻集澤一道虎爲陬邳北舉菱會淮東伏莽秋鹽丁爭鼓  
變街子迭尋仇黨擬赤眉賊渠稱黑齒酋橫馳晨盜馬羣  
飲夜椎牛襄脅兼遊徼逋逃盡重囚私征連卡隘竊據礪

戈矛反側憑誰問恬熙各自由疾應非癰疥地况處咽喉  
楚粵氛將染燕齊俗易偷青蒲容造膝白簡矢焦頭且復  
期方召巖疆壁畫周

上書房考試差散後梅梁伯期邀飲

卓午東華望酒帘踉蹌一客下三天依然無賴爲郎日殿  
上揮毫甕底眠

懷二老

劉長少相國師  
及熊鉛山尙書

延賓東閣自歡呼遑問門前雀有無二老心情軼千載憶  
來欲作醉仙圖

秀州

長水波寒落曉楓秀州城外乍推蓬白牛居士今安在一  
蓋月波清若空

到家

史書紛宦迹大抵左遷多前哲尙如此不才當奈何避喧

耽鳥語習嬾喜人過吾黨二三子聊堪共歎歌

謂及門胡生鑑張生

恕蘇生緯胡生有澍

金地寺

路轉西峯萬嶺低籃輿循麓望招提菜花黃徧山門外添

得金光日正西

山行望剡谿不得見

昔時曾羨剡谿漁深坐谿湄看畫圖  
壬戌赴嶺縣舟行過畫圖山下悵望  
於今迷九曲谿山舊夢未模糊

### 歸程

沿隄輕筏趁風斜翠竹煙痕帶白沙  
廿里歸程向誰問眺  
江橋外少人家

### 歲暮

一盞屠蘇一磬錫閒居歲臘覺分明  
無端撩我京華夢夜  
月東鄰撥阮聲

### 示諸同學

自昔多才子誰兼福慧修聲名官被折  
文字命爲讐宋玉



悲無極唐衢哭未休  
飢聞名教樂心性試尋求

招同徐生

向

遊西嶽晚過湖泊遙望諸山

塵羈乍脫快登臨  
雙槩孤蓬駐柳陰  
蝦菜泥人寒食路  
鶯

花償我故山心  
寺門翠竹經聲杳  
墓碣荒煙相業沈

經龍住寺

及沈文

見說大雷分脈處  
還憑勝侶導幽尋

芒鞋幾兩躡雲輕  
到眼林泉別有情  
靈運不辭山賊號  
景

純肯負地師名

徐習形家言

極天紫邏晴無障  
入夜青鹽水共

明卻笑撼龍紛聚訟  
形家近日事縱橫

春盡日遊江氏園

春園桃李足銷魂  
送盡光陰逆旅存  
恰似酒闌燈燼後  
王

人送客尙留髭

繫舟偃月隄下待發

槎頭倚槩足徘徊分付舟人且莫開小水欲波風已定暮  
山如影月初來蓬門啟閉關心劇蓮閣經營斷手纔此去  
川程七千里嶺雲回望不勝哀

先釐在  
西鄉五嶺

花朝過廣信

信州城郭影迢迢幾處村帘向客招春水可能留襖飲詞  
人容易感花朝帆開翠渚風先闊林見紅亭霧半消十載  
胸襟仍浩蕩臨流祇是鬢飄蕭

贛州晤汪小竹觀察同年

全德

早時才調重郎官一障乘邊力易殫風雜粵閩勞問俗流  
分章貢想迴瀾桃花潭水春帆小楊柳關門別酒寒廿載  
故人頭欲白此行翻愧棄繻難

梅關

井牧環秦塞風煙接漢林重關百粵勢半嶺五方音鳥道  
雲垂壁蠻天雨隔岑戈船空往代戶闕入南垠

觀音山十詠

鼇足補陀穩龍頭粵秀昂涵空青一朵山影卽蓮洋觀音山  
不皮普門品亦占閭浮提容易說彈指華嚴災鐵梨藏經閣  
三十六天宮虹梁宛轉通蓬萊仙赴闕一隅海雲紅三元宮

臨壑敲紫葢破檐騰碧雲

老榕一株穿檐直上

花光水晶域面面覆

鑪薰

紫雲軒

蕉竹桁欄葉縱橫插一身當空戰風雨上界聽方直

桃榔道院

知己青蠅客多情勝赤烏弔君吾更歎易學至今孤

虞仲翔祠

幡影千年寂虛堂耿一楣白蓮渾欲語風定月來時

堂下有蓮

池風  
幡堂

訶林舊日樹祝髮人同死何必戀空桑菩提心在此

菩提樹

光祿僧奴秩鄉君闍豎妻銀燈蠻骨朽金鐵笑留題

南溪雙塔

不襲胡僧貌方存羅漢真果傳坡老手

像爲東坡所留僧言如此不知信否

或是德雲身

貫休畫羅漢

觀射

射圃傷心落照殘  
生餘病骨倚秋寒  
憑誇著地十回好  
自覺擎空兩手難  
昔日金門叨獻技

先皇玉座久臨觀  
長楊細柳人天隔  
忍想灤河再據鞍

粵城秋醮詞

五步香煙十步雲  
仙音法曲滿城聞  
揚州詞客遊南海  
明月今宵也二分

玻璃世界總花天  
茉莉燈屏瀉月鉛  
午夜濃薰風一縷  
宮斜魂漾素馨田

璚瑁犀珠獻賈胡  
珊瑚枝翠羽賽神  
幃海神夜出遊無  
著訝

奪靈祠作五都

金銀臺向五雲排  
菊部檀槽處處皆  
最是幔亭仙影聚  
太平歌徹太平街

觀迎春

香花夾道送餘寒  
便覺春恩海樣寬  
熊軾蜺旌無等級  
滿城蠻景屬春官

何來神女弄珠遊  
鬢影衣香豔四周  
賽得珠娘珠海上  
縵雲臺閣似橫樓

射堂春色霧冥冥  
老眼何須向內屏  
檐外百花風過處  
兩行細柳一時青

爭春社鼓競紅妝幾處風如粵國狂元老正深天下計怕

論頽俗到吾鄉

芸臺師嘗恐粵東風氣染及濱海各省

芸臺師創建學海堂旣成招余落之卽席賦呈

神秀千年豁澗阿碧幢雲磴入嵒峩大儒倡學淵源古彩  
筆中天氣象多樓畔西湖同得月罇前南海不揚波一堂  
風教東山近憑屈韓蘇弟子科

西江誌感

水竹二千里雲嵐一萬重匡廬仙佛影彭蠡海天容徐孺

仍爲客袁安不可逢

謂柏田方伯

夢中持節地

余以己卯六月拜按察江西之

命至九月遂調東臬來去感萍蹤

抵玉山

春光轉首三旬過客路關心兩戒分香入鞭絲梅嶺雪輕  
扶籃筍玉山雲漫勞仕隱疑蹤迹端藉交遊補見聞消盡  
西江花月夜壓裝添得卷中文

歸舟

延佇晨門櫓漫搖歸舟小泊望京橋遙天春樹思中禁殘  
夜寒雞夢早朝容鬢兩年臨鏡改往回萬里逐萍漂家人  
相見應相惜只有兒童喜氣饒

花落

名花易惹東風妬昨日東風起有因一任吹開復吹落可



憐無主是陽春

憶新會橙

搓香忍凍雪霜天妙鑄黃金鵲鷦鷯圓味較荔支清數倍明

江何不號橙仙

陳白沙先生  
自號荔支仙

登樓憶天封塔

晚涼天映碧波澄面面樓窗獨自凭忽憶曩時湖外夕塔  
燈紅上第三層

寄懷阮賜卿小琅嬛僊館

穗石城南洞府奇遊仙好夢幾人知長恩書卷泮池硯都  
向琅嬛奉職司

圖新卷續修書

鈔詩遺興

甬江市樓訪盛藕塘司馬

倚君樓檻坐空嵌。開數南來北去帆。近海雲容兼日赤。濱江雨氣帶潮鹹。文人豈習陶朱業。騷客同遭靳尚譏。相對一罇須痛飲。當時有淚溼青衫。

瓜步夜泊

瓜洲燈火隔蕪城風裏寒衾夢不成  
煙艇搖搖微月裏邗江鐘定夜潮生

聞西師大捷誌喜

萬馬踏冰橋轟霆夜破礪揚旌開月  
魄橫塞絕天驕部落空餘孽山河自  
聖朝八城收頃刻誰數霍嫖姚

輓盛藕塘司馬

昔年高詠鳳城春槐市風流第一人  
綠酒夜酣書意味白袍秋戰月精神  
名疆剖竹才應屈祕閣燃藜夢尙真  
老去詩龕曾太息更誰大雅與扶輪

翩然投筆綰銀黃鸚鵡才名動漢陽揮扇軍屯餘計畫乘  
船夜壑費周防三夫豈免誣新息九牧終知論孝章贏得  
長安重聚首當時悔不醉干場

幹譽難禁衆口喧又移清潁照朱軒立時除盜無遺類排  
日停囚只片言躬瘁稻梁鴻鴈澤心驚風雨脊令原誰酬  
爲國忘家意賴有青山獨樂園

已因萼菜求長假更爲楊枝賦短行幾輩輪君投紱早頻  
年慮我出山輕歲寒竟負林泉約緣淺其如兒女情

華兒爲君

壻

一醕詩魂聊慰藉長眉無恙在蓉城

君姪人前數日卒

康山夜坐懷對山先生

邪許聲中靜閉關武功芳躅好追攀樓隨古月移千卷舊  
書樓曰隨樹擁晴雲畫一山事濟頭銜拌世外歌殘腰鼓  
月讀書落人閒吟壇七子誰堪繼佇想詩魂跨鶴還

秋盡日宴某氏園

閉戶忽驚秋序盡擎舟忙趁夕陽來漫遲紅葉經霜好幾  
負黃花冒雨開北望關山鴻尙滯西成梁稻螳新醅可能  
他日常投轄且約明年早舉杯

龔闇齋觀察前輩見過爲賦小院蘭花次韻奉答

省薇臺柏此生緣落落同心渺似煙獨有美人在空谷遲  
君日暮碧雲天

聞閨齋前輩爲天童太白之遊疊前韻

一到江城悟夙緣  
鄮東春樹入荒煙  
風神憑想貂裘客  
獨立空山雨雪天

元夜與閨齋前輩泛月自湖東步歸

入城籃筍趁年光  
身帶山中白雪香  
一棹煙波人縹渺  
十洲樓閣月微茫  
垂燈花市春猶淺  
疊鼓神祠夜未央  
可憶天街聯騎返  
清宵酒盞爲詩忙

發裝日墮齒 余齒素不固三十年來勞瘁風塵每  
有脫落今在都復連墮其二祇存上齠門牙之右一  
輔牙矣

天涯到處傷搖落計齒何堪尙旅程餘慧久因衰志減孤  
根纔使老懷驚更煩咀嚼難成味轉憶齟齬太任情痛定  
上車增歎息晨星一顆已天明

出都後有寄

頻勞畫省關心問

文秋潭禱疑堂兩尙書屢向曹司詢訪余近年蹤迹都作銀臺舊

眼看

謂此次往還諸公

惹得歸飛一倦鳥幾番回首暮雲寒

齒落盡疊前墮齒韻

戊年子月初三曙別充奔徐第一程頭觸車箱殘齒墮手  
捫衣袖夢魂驚喚名此日甯回味嚼字頻年底盡情吾舌  
尙存還自笑聲牙句讀可分明

臨城驛

襪被單車度小春中途倦逐馬蹄塵暮山橫翠留雙屐晴  
雪和風裏一身投寓漫嫌人寂寞禁寒聊藉酒逡巡夜分  
珠斗檐前挂更步空庭望 紫宸

月蝕次韻

救月中宵鼓似雷妖蜚何物預盈虧冰輪終古明難掩蟣  
蝨臣全枉賦詩

憶及小竹語  
因以解之

望江南

誰教歲月付征塵履屨乘輶迹並陳回首江南黃葉路卅  
年來往夢中身



今白華堂詩錄補卷八

近體詩

歲朝春

鼇禁暉暉紫龍旂  
靄靄清朝元進春  
帖萬瑞洽 天庭  
書頒鳳紀龍紀歌  
疊人聲鳥聲自是  
祥兼五始羣方倍  
兆昇平

朝衫青瑣懷同直  
蓬鬢滄江臥遠臣  
紀事願如鄉老輩一

生兩遇歲朝春

事見鄞人薛千仞筆餘

訪龔蓉漱司訓

繩正

不值留題壁間

如舟學舍淨無塵  
坐久瓶花落滿茵  
窗眼小聲蜂覓路  
檐

牙側影鳥窺人異書海上歸殘帙

屬訪東坡志林足本以在粵所購草稿胎之

名士江南到幅巾

汪兩人乃令兄開齋觀察所取土方自松江來也

兩事報君題

壁去下階還折一枝春

### 浮白

浮白生涯幾十春醉餘默默溯前塵名場得意常非意宦海抽身始有身老去夢中多死友年來世上少陳人大荒果有華胥國獨往還希作幸民

懷前郡守任醴渠觀察

蘭祐

南園詩客渡錢塘贈句聞君喜欲狂三黜今之柳下惠

張棠

村欲贈君聯撰此句余為對之

八分古有蔡中郎

君以隸書擅名

雄姿逸態殊無

匹善政風流那可忘欲訊九江關樵事一錢可贖使君囊

### 獨酌

圖功虛擬勒燕然

勒威勸公嘗以邊功相期許

歸到柴桑有秫田漫許

宗親見譙秀猶貪生活勝焦先燈前青史伴中聖鏡裏白頭思少年閱盡人間無限事何曾一事不由天

自慈谿別尹方橋孝廉

元煒

出郭遙望清道觀巖際

隱隱有谿亭歸舟遂夢與方橋遊此醒而紀之

林杪谿亭出藍輿爲共留谿長憐百折亭古說三休人世

堪遐舉吾生似夢遊

夢中語

聞鐘忽驚寤燈火見城樓

正月二日曉起

雨裏春禽第一聲隔年塵夢斗然清開門人說三朝過住  
世誰禁百歲更歡劇兒童賓屢集愁深車馬路難行影堂  
晨熱鑑香罷根觸歸來誓墓情

張月三瑜新居落成

烏衣門巷隔塵囂軒檻新成款我曹真逸移居原入畫  
謫仙對影亦增豪舉杯邀明月對影成三  
人月三之號取諸此也醉吟紅藥夢春永

坐看青桐閨夏高欲把方書登閣望養葵別業在江皋甫  
趙養葵精醫術與張景岳齊  
名月三方以此行世故云

題重修曝書亭圖冊爲馮雲伯

垞南例隱玉堂身著述風流見後塵作吏輒思翁避俗歸

田儘念術齊民

盡得齊民術何殊避俗翁  
竹垞先生贈馮檢討句也

百弓園在鄰堪

結萬卷書亡主始貧插柳鋤梅無限計豈惟賸稿賴傳人

勝蹟閒從小志尋一亭風雨卅年禁重懷曩日移花句

縱移

花百本併少屋  
二岡竹垞句也

要稱平生拜竹心

雲伯署其書舍  
曰拜竹詩龕

舫著虛

窗通葑水牆圍秋樹畫雲林天南詩老聞應許黛色依依

想舊陰

謂阮雲  
臺師

巢痕游迹兩茫然松菊關心去國年履道坊空留夜月平

泉莊冷散秋煙花南老屋分書庫雪後紅衣上釣船千載

羊公須戀此頻煩地主割囊錢

好事能營安道宅薄遊還憶仲長園前身君合參三叟

竹垞

詩贖有舊異日誰當卹兩孫聞竹垞後人僅五世六世兩孫槐汴菱池重  
遊三叟在入畫桑鳩穀犬自成村圓沙鴻印分明在寒玉叢邊繞夢  
魂

閩重四詩答簫樓用謝山先生原韻

還家喜與土音習

謝山詩見句餘土音

徵典每懷重四詩誰遣珠槃

輸老輩生憎席帽誤芳時

重四日學使按試鄞縣童生爲兒輩試事所溷遂不省記天

留花信重開朔

首夏花信終月閩重開朔朱竹垞句也

日展蒲辰待舉卮

謝山

屢作展重四最後至莒蒲生辰計近端陽矣

且莫雙柑虛勝引鄰家鶯語在喬

枝

是日張月三以小築告成招飲因邀簫樓同赴

齋壁懸畫蘭象山倪韭山學博作也題之

雲林畫筆極清妍座擁蘭因抵散仙紅粉難消春晚露黃  
瓷小有楚江天餘香隔歲停襟褶高韻當風倚瑟絃猶記  
夢回花四壁明燈海上載書船去歲在象山見此畫於姜  
以其尊人白巖先生所著書見  
贈因配以此畫併送至歸舟

題琴川女士姚芙初雙芙閣遺草 女士爲張芙川

上舍 落錦室

瑤臺小謫爲聰明合惹人間萬種情可奈文簫聽不得冰  
絃裏斷月三更

春陰曲裏夢韶華鶯語誰教向碧紗生怕早開還早落可  
憐情性是曇花

宛轉靈根失翦愁雙聲慣鎖碧雲秋玉臺已作三生石不  
信珠宮不轉頭

珍重遺編護翠幃臨風防化彩雲飛祇應替寫蓮花瓣碧

海光中薦白衣

卷中有寫蓮花瓣  
及禮大士像詩

題側面美人圖

絕代人原不易逢平生約略此真容華陰道上橫雲外側  
看清秋玉女峯

秋懷應託反騷篇平視劉楨祇惘然若見蛾眉定成妒試  
看蟬鬢已生憐

卒歲



屹屹窮千卷區區展一籌聖賢曾閒出天地與同流斯道  
今誰任當官古所憂投簪君莫笑卒歲合優游

小院殘春

籠煙古鬢苔長經雨春泥草生幾陣零紅碎白惹他綠意  
難成

題斷釵吟冊爲湯參戎

胎汾之母

雲黯磨笄恨未休左家春事水悠悠還憐荆玉拋人易不  
共冰心映白頭

烏頭蘭綺式名門贍稿都憑至性存解憶拋檠舊釵股擁  
旄誰是絕裾溫

春庭獨賞

蠡牆新拓界塵寰洲島淩虛萬景環

去冬甃石於庭除之南縱橫數十步繚以

短牆頗足納湖天遠景

遑問謝家絲竹地閉門高臥卽東山

宿姚葦舫明府

瀚齋中

廿年世味共君嘗投綬歸來儘放狂  
旅語通宵渾不寐書燈青熨酒人牀

葦舫膺甫招遊保國寺

驃騎山巔翠染空生朝避客趁花宮

是日爲余六十生辰百年浪擲

皆虛牝萬念能除是大雄像設輝煌憑水照梯桄高下與雲通故人早日書帷在話到前遊感慨同

盛藕塘司馬讀書寺中時姚馮

皆嘗還往余亦所習聞

牆角西峯夕照開疏林一燈壓香臺苾芻自曬黃精熟蓮

社誰呼白墮來

葦舫家僮攜榼旋至

味閒伊蒲燈歷亂聲沈梵磬月

徘徊那知丈室攤吟卷還爲天花苦費才

一僧呈詩稿多近風懷

聞長懋亭相國督軍赴楚有感

自分難攀衛霍儔金城虛約事兜牟

曩在蘭州承公以謀略見推謂異日儻有

軍務必當奏請共事

縱橫豺虎羣方警寂寞魚龍故國秋

近歲趙城及回疆之

役皆公主帥而余早已退歸

鄂渚更聞傳鼓角荆門曾想駐旌旂量移

天語分明記

余調湖北陸觀時蒙若山東之煩劇然向會

面諭云該省見雖不

以調汝前往

恨不趨風借一籌

臘月二十日寄懷張石蘭方伯

槃陀無恙閩山房回首分攜一載強老去心情寒日淡春

來

前五日立春

世事野田荒天隨自厭交流俗王績惟應記醉

鄉

君不能飲余嘗勸之

料送殘年書畫裏短燈徹夕映湖光

小除夕獨酌

臘燈紅照玉山頽酒罷休嫌短景催多少愁人風雪裏殘  
年難盡似殘杯

生日作

早作千秋想而今亦淡然從來壽世業稀及大椿年

春宵

六十年來萬事非  
太空那憶亂雲飛  
春宵夢斷風箏響  
一省兒時鬪草歸

讀葉毅菴年丈

觀國

綠筠書屋詩鈔

星使才華孰與侔  
滇黔楚蜀一編收  
此生蹤迹知難到  
荒外山川足臥遊

柬張石蘭

耽思曹植胃曾傷  
老去揚雄慣出腸  
醉裏夢餘無紙筆  
紛來奇句惜旋忘

贈吳山水秋白道士

鳳皇山外江湖海  
併入樓窗日夜明  
好訂詩篇追白傅  
能

教霖雨及蒼生

早歲請  
雨屢應

松篁隙處丹光射  
螭魅潛餘劍氣

橫引得麴生來座上  
無妨爲我一罇傾

時方  
持齋

自省歸舟泊姚江

壯遊萬里憶生平  
愜我情懷是此行  
夢戀吳山天隔岸  
帆衝越國雨連程  
秋潮晚落沙聲出  
江店斜開酒旆橫  
小泊呼兒臨夜坐  
翦燈話到鳳皇城

元日途中

熙皞黃虞見典型  
康衢到處有逢迎  
赤欄橋畔滹沱水  
照徹衣冠賀太平

自拱極城繞出海淀之北

龍堆積雪路灣環  
峽口風饕馬力孱  
抗殿峯陰臨大漠  
舉頭那復認三山

沙河

前朝天隱鳳城西  
怪石峯峯挾怒猊  
行近昌平餘太息  
十陵樹總悽迷

關溝

廿里關溝作術看  
關城北去迭增寒  
危峯斷處逢村少  
亂石堆中覓路難  
駝馬徐行蕃部湊  
狼狐潛伏棘林攢  
鈴鐸出口方亭午  
上嶺八達嶺還尋路百盤

題秋林晚步圖

脫巾獨步爲尋幽一樹鴉歸一舉頭淺著丹黃斜照裏天  
然粉本李營邱

呼僮掃葉暫徘徊籊竹奇礪一徑開行近桂花香發處影  
邊知有月先來

遊城南林氏園

危時孰與滌憂煩燕幕城南幸未翻曳屐渾忘猗頓里入  
門祇當辟疆園且拋世事論花事暫隔塵喧聽竹喧若得  
孤山深處隱不須高士爲開軒

喜雨

醺壇社鼓日喧騰貪睡乖龍不受催地氣忽通三尺雨天



功全在一宵雷驟增米價應須減晚插禾苗尙賴培向午  
東山雲擁樹還從海上洗兵回

追慨定鎮兩城之失

自昔金城固海防平倭關外靜蓮洋那堪俞大戚繼光云亡  
後鼙鼓重聞古戰場

元日

桃符也自帖柴荆喪亂驚心歲序更人哭人歌誰避忌年  
增年減我忘情翻用放翁老去增年意清齋半日從兒女早計

三時測雨晴天眷 盛明迴泰運肯教狂賊據春城

清明日感懷

村居易覺柳風斜雙淚清晨濺杏花異地愁春還避地來日

聞方橋之警又作遷計

舉家作客共思家煙沈剡曲寒新火霧起句

江隱亂笳目想松楸誰上冢西山百里是天涯

贈周學博聯奎

異鄉獨客儘忘憂滿地兵戈得自由山裏縣城深似谷樹  
藏學舍冷於秋一番芳事儒冠領千首新詩宦橐收風雅  
性情隨處好清閒福分幾生修

悲舟山

昔歲驚移夜壑舟蒼苔白骨未全收風迴鯨浪城還沒月  
弔蟲沙海亦愁殘孽狂魂遊釜底諸忠憤氣指旌頭師船

戢影號呼絕誰恤瘡痍撫遠阪

示鄭禹梁

見說煙塵淨開門縱遠望黃蘆團野色白鳥颭谿光城郭  
人家少舟車客路長憑醫探肘後可有濟時方

鄭習醫

抵奉化

北渡接南渡平臨四角亭熹微江上辨欵乃夢中聽高樹  
隱斜月低帆挂落星村農殊可念屏水淺沙汀

卽景

旅館開窗醒書眠素書讀罷意茫然秋深牆角衆芳歇牽  
牛一花高映天

晚步東門外遙望城中悵然久之乘月而返

山縣小于市終年無市聲傷心經喪亂舉日益淒清野色  
欲迷眼春寒疑壓城攜筇返谿上月與我同行

方子開明導余爲竟日之遊自下塔登山徧歷中塔

上塔

皆彌勒塔院也

晚過城北劉氏莊小飲

錦屏

山名

石步

嶺名

閱禪關三塔重重繞碧灣杖策勝騎支遁

馬鉤簾都入范寬山下時不覺投城闕高處真疑出世閒  
一慰旌邱寓公意杯擎婪尾欲忘還

遊岳林寺經女孫黃埋處

感時恨別總淒然步履聊尋世外緣初地登臨還異地餘

年哀樂倍中年剡谿放棹吾何興  
彌勒同龕爾或仙漫爲  
空桑戀三宿首邱應待枕戈眠

時將  
回郡

### 樓望

亂後歸來話劫塵剡谿回首亦傷神  
南山過雨當窗見如  
對伶元擁髻人

### 命兒輩展母墓

城郭蕭條白日秋可能華屋勝山邱  
餘生爲向蓬科道樂  
子無知百不憂

### 風潮誌異

陡失心魂不暇驚長空乃有此形聲  
波濤掀屋去千里風

雨挾人飛一城龍戰昆陽和地轉鼉翻咳極共天傾南雷  
曾著姚沈記試較沈菑孰重輕

華兒散館蒙 恩授職編修詩以勛之

芸館人才爲國儲俄聞 玉殿拜真除異時榮進休關念  
何術酬 恩要問渠

祖庭當日盼生孫私願長依金馬門防到罡風墮塵劫天

教詒燕作仙根

先通議公嘗謂庶常意氣太盛易致改官援所見數人以爲誡余旣以勛華兒尤

望其常守祖訓也

承明著作古猶難經世誰能裕萬端要識冰銜還易稱百  
年不厭腐儒餐

秋感

一雨健蟲聲秋懷頃刻并閉門人不到踏壁句難成道已  
燕齊梗烽猶嶺海驚寒風憂國淚坐向夜燈傾

晚霽

隙塵一道忽穿幃積雨檐聲聽仁稀脫葉就乾敲井發寒  
禽向夕戀垣衣平安書恰天涯至無恙帆俱海上歸漁汛  
畢聞  
洋面  
尚靜但埽陰霾何限好黃昏雖近莫歔歔

夢中詠雪醒記中四句因足成之

蠟燈影裏撚吟鬢仿得歐陽禁體無忽著麻衣淩上界恍  
逢縞袂認仙姝瑤臺臥月魂俱冷銅井探梅興太孤誓願

招攜共香海只愁寒夢醒啼鳥

題退齋續集

哀樂無端異所遭百年身世視揮毫  
休嗤在野蛩吟苦曾叶歸昌鳳律高  
詩史由來宗變雅美人何事入離騷  
中和樂職他生譜意氣還應似蜀褒

元日口號

住世老無能焚香誓願憑風塵  
海內息歲月酒邊增七載  
電輪轉庚子至今已七歲矣  
三朝雲瑞徵幽窗聽鳥語稱賀卻親朋

赴蔣山埽墓

百折塘河首夏經微風細草發清聲  
雲連東海無邊白天



引西山不斷青  
積潦盈田禾未插  
荒莊臨岸棹初停  
墓門風景都依舊  
早日童孫鬢已星

葉氏東山別墅在慈谿杜輿卽事

聞道東山起謝安  
仙人冷笑碧雲端  
山有仙人石參軍夢漁卻

喜身無俗楹帖書邵子語云安分身無俗權借頭銜署橘官繞舍種橘

返魂香駐竹松間  
是日外孫金芝奉長女香靈小駐於此引得秦樓鶴影還

纖草被隄風日美  
輭輿一路看湖山

題別墅中望仙草堂

鳳翥鸞翔欲下不  
草堂延佇衆仙傳  
靜如太古宜觀化  
秀絕人寰但枕流  
清酒素琴忘曉暮  
朱櫻丹橘紀春秋  
煙霞

若問誰爲主款段頻來馬少游

主人畜一馬

和徐信軒太守

敬

將至四明舟中偶成七律一首

龔黃效績神常瘁蘇白耽吟意自閒  
海國舟航方待濟巖城衽席尙思艱  
宣勤肯使仍頽俗馭遠能教就大閑  
佇聽中和樂職詠凝香應爲一開顏

元日遣悶

底用戀浮生春添刺促情海荒龍戶大  
世亂蝨官輕一息關耕鑿三朝幻雨晴  
影堂爇香罷默坐想承平

開兒入泮

六十年前盼一衿書香啟後計原深  
直看暮子皆如願拋

盡中年仕宦心

生與爾翁同甲子何期遊泮歲還同漫勞當事重遊約佳

話傳來酒一中

官中以重遊泮宮  
爲約余敬謝之

歲朝焚香

人生容易到華顛奢願焚香更告天周甲過豪增二十余

年八十矣

何當終值太平年

座右有秦少峴姚姬傳兩先生集因題之

新編取次出人寰置我淩滄惜抱閒如此行藏差不負懸

車事業有名山

卽事

從惡信如崩羣奸接踵興揚聲緣碩鼠張膽蔑蒼鷹闕市  
鹽丁在亂流漁子乘陰疑無戒備那不致堅冰

送葉香谷刺史炯之任甯州

長才作牧古黎州萬里風煙試壯遊挂席儘從南斗上樹  
萱先解北堂憂前聞其奉母避地處置已盡善畚田焚戶琴邊理洱水蒼  
山筆底收須信年來天下吏爭傳樂土是遐陬

爲人作七夕穿鍼圖因題三絕

停鍼纔見月向月復穿鍼郎在書窗外應同乞巧心  
郎漫問筵尊文心妙孰傳鴛鴦都尉仿鍼度是嬋娟  
解識聰明誤雙星隔漢津願郎■相令生世伴鍼神

出城逢野叟有作

出城還擬踏青遊一叟相逢訴隱憂  
社雨新泥紛燕壘春煙蔓草互蛇邱  
聚徒柳陌思乘勢下第黃巢樂與謀  
未必跳梁真足患且將東作問西疇

避地

急櫓出城闔訖言沸此辰川途迷白日  
野樹黯青春雲散驚弓鳥風奔棄甲人  
頽齡還避地可奈累交親

喜抵慈谿盛氏樓寓示小石茂才

炳燮

樓陰借得一枝巢稍隔風煙卽樂郊  
並海遙山來檻外窺人纖月隱林梢  
急觴剛及客投刺長物漫需僧打包  
翻藉

逍遙展良覲卻看骨肉半相拋

還家

側耳鄰雞喚夙興  
籃輿映旭度干脰  
兇渠就械人心定  
早魃收氛夜氣澄  
病起貪看書一卷  
到來忙貰酒三升  
端居祇向南天問  
蠻霧于今埽未曾

春感

夢回春鳥喚春枝  
年減年增不自知  
白髮催人了婚嫁  
第六  
女將出閣向平五嶽更無期

聞警

嚴警傳三楚  
通津失九江  
東南恣豺虎  
天地滿麾幢  
馳驛

頻聞捷連城那受降異才如閒出指日定安邦

上巳

清談會慕晉風流冠情懷不可留

乾隆癸丑余年二十一

癸幹丑

支周廿五永和禊飲溯從頭

聞江甯數郡連陷

孫登報捷付空談糜餉勞師已不堪借問旌旄駐何處虜塵直到大江南

靜夜

衰暮身如靜夜身自然不與世相親枕邊醒夢忘今日燈右觀書近古人攬鏡朱顏追髣髴杖朝黃髮憶逡巡養安

牖下長如此何異清時作幸民

遣興

兵威仍不振破竹勢難成  
乏魄愁星散交輸病水衡  
連疆

塗炭劇羣帥節旄輕莫報  
興尸屢戎心日夜生  
昨傳吉安守及門王

琴仙被害并聞上洋軍鯁游擊陣亡城鄉匪徒思亂愈甚

追挽胡書農學士同年敬

紫陽山靜講筵留崇雅堂  
深著錄休卿月使星纔一瞬  
元

燈史筆自千秋  
君以乙丑會元入史館  
詠花神往庾開府  
君所著水仙花賦及

詩阮芸臺師賞其清新  
似庾余之契君自此始  
散帙眼開高蜀州  
塵架幾年湮訃

狀傷心追挽擬追酬  
年前君訃至值余避地奉川未經接讀今於殘帙中見之正如少陵見高



常侍所寄舊作因仿  
追酬之例作追挽詩

挽滄州刺史沈月海

如潮

死忠死孝一門全幕下都將性命捐

聞闔署殉難者共十四人

才屈東

陽爲吏久防深北道受師偏臨喪賸有微雲壻

余孫鳳喈爲君壻時

在都下當赴署料理其喪

遺業會無負郭田溫序還鄉知未遂清風樓

外望長川

君嘉興人未知何時得歸旅櫬也

聞揚州寇退

蕪城罹浩劫經歲慘如何乳血餐膚盡埋魂委骨多唐兵

能崇賊

用薛舉事

漢將怯提戈一任從容退踰淮更渡河

九月初四夜聞捷感賦

聞收河北

懷慶府

及江右喜翦燈花晚飯前兩地兵銷光日

月三營

金陵南營揚州北營鎮江水營

師老臘烽煙赤嵌城遠誤飛檄

閩省

及臺灣久稽軍報

黃歇浦寒催戰船

江南北上洋近事方殷

木落關河縈思迫

空庭秋已盡今年

西畧鄉人以虎患相警有述

西南巖壑自逶迤埤霧屯煙到水湄黃竹鴉聲樵女路青

苔虎迹社公祠沈冤何日償精衛異政吾家溯不其

見後漢書

循吏傳

要使山林除莽伏赤刀越呪漫空持

自西陸歸

舟行貪趁五更風子婦臨崖送乃翁轉首西山斜月白迎

眸東海早霞紅情深骨肉流離後開兒祥麟孫侍舟中秋在煙波淡  
岩中歸到城居及朝食還愁鼓角振哀聾

詞附

金縷曲

詠佛手柑

何處薰薷蔔向祇林禪參一指醉魔都縛聞說辟支曾證  
果認取膚留金粟憑悟得金身丈六薇露想經千劫浣受  
文人供養梅花屋應捧與名經錄又疑天女春黃握莫  
轉世漢宮鉤弋蕨拳同曲口業懺除吾合掌端合皈依西  
竺只怪是拈花未足縣輓兜羅餘色相爲詩人儲得香盈

掬叨茗宴真清福

歲首重華宮茶宴例賜  
三清茶用佛手柑取其香也

### 沁園春

#### 詠冬筍

鄉味如何折竹寒窗夢回曉  
妄想廉泉長老縣裝玉版渭  
川饒守雪洗瑤簪解籜燒爐攢芽  
勝爵抵得春纖捧笑斟  
渾無著是盤餐京洛饋歲光陰  
登筵驚喜何任自離了  
櫻廚杳莫尋問秋鸞尾羽  
蔭他幾番蒼龍頭角埋到如今  
選盡仙班抽殘卷東還賸孤寒  
一寸心詩腸裏怪霜蔬得  
氣攪作清吟

### 滿江紅

詠福橘

帆映三山趁霜信橘官來矣記曩日珠胎玉屑隔離花市  
林下阿奴曾汝喚座中俊客今誰似便東南海日鑄秋金  
紅輸此高宴罷探懷裏儂怕見團欒子怎身名枳小慣  
踰淮水陽羨一亭惟夢想江陵萬戶無封抵問此中三老  
亦何言敲枰耳

揚州慢

詠木瓜

露醞酸香日蒸濃黛天成鐵腳風標仁臙脂花落結實已  
如瓢紋誰繡宣州樹上石湖枕畔花樣堪描感君投向果

益供付藥爐消 自嗤風漢醫難愈且欲舒腰况粉料充  
閨酒材供席助得紅嬌要與詩人商略憑何報好永今朝  
者金沙糝糝還應價倍瓊瑤

甘州

詠哈密瓜

潤詩喉剛欲問瓊漿酒罷渴如羌喜綠沈捧到塞冰結顙  
邊雪含瓢削作天山墮月金閃一鉤涼似此尙方品千古  
誰嘗 聞說黃臺根弱儘輪臺滋蔓輸轉期忙想蒲桃柏  
脈陋煞貢時筐到而今狠心都鎮問園鄰那界楚和梁中  
朝貴穹廬知否瓜也稱王

小重山

詠山查

聞說枕枝故似梅相思青鳥外赤衣垂饋酸飢父未應嗤  
猜吾輩臭味與酸宜舊夢聖湖隄喚來山裏果舫東西  
方饒新樣者番題紅顏好應是醉如泥

百字令

詠百合

中庭香老夜深深又是圍爐時節紅玉甌來湯一勺挑起  
摩羅春色非葉非花相當相對並蒂無相隔白衣裝好水  
田偷樣齊結可奈名字終虛分釵破鏡飛散交歡蝶人

世百般須足意第一團樂無闕禁集愁端願書忍字恨替  
將離雪盞筵滋味生年嘗滿纔歇

百字令

重修曝書亭圖用竹垞先生索曹秋岳繪圖原韻  
卅年身世記西風長水頭番飄泊雁塞羊城空復徧蹤迹  
釣坊重託斷址埋煙前塵如夢忽忽餘哀樂青衫末座斯  
亭曾預新落今日曹霸丹青杜陵花柳又一回斟酌應  
認南鄰馮檢討飛燕斜陽簾幙有竹千竿收薑一稜魂魄  
從專壑何時載酒岸藤還掃船角

圖爲馮柳東  
太史屬題